



## NY ZANAKA SISA

« *Dia tezitra tamin' ilay vehivavy ny dragona ka lasa nandeha hiady amin' ny zanany sisa, izay mitandrina ny didin' Andriamanitra sy mitana ny filazana an' i Jesosy* » Apok 12 :17

Anisan' ireo toetra mampiavaka ny zanaka sisa, voalohany dia ny fitandremana ny didin' Andriamanitra.

Inona marina moa izany hoe mitandrina ny didy izany ? Moa ve ny fivavahako amin' ny andro Sabata izay mampiavaka ahy amin' ireo mpivavaka amin' ny andro alahady sy ny tsy fihinanako ireo zava-padiana, ny tsy fifohako sigara, ny tsy fisotroako toaka izay mampiavaka ahy amin' ireo olona izay manimba ny tempolin' Andriamanitra dia ny tenantsika izany, na ny fandoavako ny ampahafolon-karena sy ny fanatitra ary ny tsy fiarahako amin' ireo fety fanaon' izao tontolo izao no antsoina hoe mitandrina ny didin' Andriamanitra ?

Tsia ! marobe tokoa no mihevitra fa rehefa misy eo amin' ny fiainany ireo voalaza etsy ambony dia tafiditra ao amin' ilay antsoina hoe vahoaka mitandrina ny didin' Andriamanitra izy. Tsy izany anefa no hamaritan' ny Fanahin' ny Faminaniana ny hoe mitandrina ny didin' Andriamanitra fa ny fiakanjoana ny akanjom-pahamarinan' i Kristy izay antsoina hoe : FANKATOAVANA TANTERAKA NY LALAN' I JEHOVAH.

Hoy ny voalaza « Noho ny fankatoavana tanteraka vitan' i Kristy, dia nataony ho azon' ny olombelona tsirairay efaina ny mankato ny didin' Andriamanitra. Rehefa milefitra eo amin' i Kristy isika, ny fontsika dia miray amin' ny fony, ny sitrapontsika voasaron' ny fahotany, ny saintsika manjary iray amin' ny sainy, ny eritreritsika voababony ; mivelona amin' ny fiainany isika. **Izany no atao hoe mitafy ny akanjom-pahamarinany.** Amin' izay rehefa mijery antsika ny Tompo, dia tsy ny akanjo ravin' aviavy na ny fitanjahantsika sy ny fanimban' ny fahotana no hitany, fa **NY AKANJOM-PAHAMARINAN' NY TENANY, DIA ILAY FANKATOAVANA TANTERAKA NY LALAN' I JEHOVAH** » Henoinareo ny fanoharana p 275<sup>1</sup>

Mazava tsara eto ny ambaran' ny Fanahin' ny Faminaniana fa ny fiakanjoana ny akanjom-pahamarinan' i Kristy no ilay fankatoavana tanteraka ny didin' Andriamanitra. Rehefa mitafy ny akanjom-pahamarinan' i Kristy ny olona, amin' izay izy vao hitan' Andriamanitra hoe « Mitandrina ny didin' Andriamanitra », satria mitovy amin' i Kristy ny toetran' ireo olona ireo araka ny voasoratra hoe :

« **Fanehoana tanteraka ny lalan' Andriamanitra ny fiainan' i Kristy teto an-tany**, ary rehefa mitovy amin' i Kristy ny toetran' ireo izay milaza fa zanak' Andriamanitra, dia ho MPANKATO NY DIDIN' ANDRIAMANITRA IZY » Henoinareo ny fanoharana p 277<sup>1</sup>

Ny olona goavana mitranga amin' izao vanim-potoanan' i Laodikia izao dia ny fanambarana nataon' i Jesosy izay tena manitsy mivantana ny fiheveran-diso izay ananan' ny olona izay matoky tena fa efa eo amin' ny toerana azo antoka, dia ny filazany manao hoe :

« ... ; **kanjo tsy fantatrao fa ianao no ilay... MITANJAKA** » Apok 3 :17

Mitanjaka ny olona ao amin' ny vanim-potoanan' ny Fiangonan' i Laodikia satria TSY MITAFY NY AKANJOM-PAHAMARINAN' I KRISTY

Raha ny fanazavana etsy ambony anefa, ny fitafiana ny akanjom-pahamarinan'i Kristy dia midika ho fitandremana ny didiny, koa mazava ho azy izany fa rehefa tsy mitafy ny fahamarinan'i Kristy ny olona dia MPANDIKA NY DIDIN'ANDRIAMANITRA ny fahitan'Andriamanitra azy amin'izay. Koa tena zava-doza ny toerana misy an'i Laodikia

Izy mihitsy ilay lehilahy tsy nitondra akanjo fitondra tamin'ny fanasana fampankaram-bady, hoy ny voalaza momba azy

« Ilay lehilahy tonga teo amin'ny fanasana nefa tsy nanana akanjo fitondra amin'ny fampakaram-bady dia mampiseho ny toetran'ny olona maro eto amin'ity izao tontolo izao ankehitriny ity. Milaza ny tenany ho Kristianina izy, ary mitaky ny fitahiana sy ny tombontsoan'ny Filazantsara. Tsy mbola mahatsapa ny atao hoe fibebahana marina amin'ny fahotana izy. Tsy tsapan'izy ireo ny ilàna an'i Kristy na ny ampiasany ny finoany Azy. Tsy maharesy ny fironany nolovany na nokolokoloiny hanao ratsy izy, **NEFA DIA MIHEVITRA FA EFA TSARA AMIN'IZAO**, ary mitsahatra amin'ny fahamendrehan'ny tenany fa tsy miankina amin'i Kristy. Mpihaino ny tenany izy ary tonga ao amin'ny fanasana, **NEFA TSY NIAKANJOANY NY AKANJOM-PAHAMARINAN'I KRISTY** » Henoinareo ny fanoharana p 277<sup>2</sup>

**INONA IREO TOETRA HISEHO EO AMIN'IZAY TSY MITAFY NY FAHAMARINAN'I KRISTY ?:** (nalaina avy amin'ny toko misy ny lohateny hoe : **TSY MIAKANJO NY AKANJO FITONDRA AMIN'NY FAMPAKARAM-BADY**)

« Betsaka no milaza ny tenany ho Kristianina, dia olona mpananatanatra ny amin'ny lalàn'ny arapitondrantena fotsiny... Asa hafahafa aminy ny asan'ny Fanahy Masina. Tsy mankato ny teny izy. Ireo foto-kevitra ny lanitra izay mampiavaka an'ireo izay iray amin'i Kristy sy ireo izay iray amin'izao tontolo izao dia manjary saiky tsy hita misongadina intsony. Ireo izay milaza ny tenany ho mpanaraka an'i Kristy dia tsy vahoaka misaraka sy manokana intsony. Tsy mazava ny faritra mampisaraka azy. Milefitra eo ambanin'izao tontolo izao ny olona, eo amin'ny fanaony, eo amin'ny fahazarany, eo amin'ny fitiavan-tenany. **Manaraka izao tontolo izao ny fiangonana amin'ny fandikana ny lalàna, nefa izao tontolo izao no tokony hanatona ny fiangonana eo amin'ny fankatoavana ny lalàna.** Voaova fo isan'andro hanaraka izao tontolo izao ny fiangonana » Henoinareo ny fanoharana p 277<sup>3</sup>

« **Manantena ny ho voavonjin'ny fahafatesan'i Kristy izy rehetra , nefa mandà ny hivelona amin'ny fiainany feno fandavan-tena.** Andrandrainy ny haren'ny fahasoavana maimaimpoana, ary miezaka ny hisarona amin'ny endrikendriky ny fahamarinana izy, ka **manantena ny hahakatona ny faharatsian-toetran'ny amin'izany...** » Henoinareo ny fanoharana p 278<sup>1</sup>

« Mety ho mpandika ny lalàna ao am-pony ny olona iray, nefa tsy hanao fihetsika hita ety ivelany mandika ny lalàna, ka ho heverin'izao tontolo izao ho marin-toerana tokoa » Henoinareo ny Fanoharana p 278<sup>2</sup>

Raha fintinina izay voalaza teo ambony rehetra izay, ny hoe MITANDRINA NY DIDIN'ANDRIAMANITRA izany dia MIDIKA HOE MITAFY NY AKANJOM-PAHAMARINAN'I KRISTY. Ary ny miseho eo amin'ny fiainana andavanandro ny toetran'Andriamanitra, araka ny voasoratra hoe : « Nasehon'ny Tompo tamin'ny mpihaino Azy kosa izay **hevitra ny hoe : MITANDRINA NY LALAN'ANDRIAMANITRA**, dia izao : **Tsy maintsy miseho ao amin'ny toetra andavanandro ny toetran'Andriamanitra** » Sambatra p 49<sup>3</sup>

Raha izany no famaritana ny hoe « Mitandrina ny didin'Andriamanitra, resy lahatra ve ianao fa ao anatin'izany? Aoka tsy ho voafitaka ka hino ny filazana fa rehefa ao anatin'ny Fiangonana dia voasokajy avy hatrany ho ao anatin'ny zanany sisa izay mitandrina ny didin'Andriamanitra.

Mitaky fahantanterahana eo amin'ny zanany Andriamanitra, hoy ny voalaza :

« **Mitaky fahantanterahana amin'ny zanany Andriamanitra.** Fanoritana ny toetrany ny lalàny ary io no fanevan'ny toetra rehetra » Henoinareo ny fanoharana p 277<sup>1</sup>

## **AZONTSIKA ATAO VE NY HO TONGA MPANDRESY KA HOANISAN'IREO OLONA IZAY MITANDRINA NY DIDIN'ANDRIAMANITRA IZAY ADIKA HOE OLONA MITAFY NY FAHAMARINAN'I KRISTY?**

« Andriamanitra dia fitiavana. Nasehony izany fitiavana izany tamin'ny nanomezany an'i Kristy... tsy misy na inona na inona narovany ho an'ireo fanahy novidiny. Nomeny ny lanitra manontolo, ary avy ao no ahazoantsika misintona hery sy fahombiazana..., Nefa tsy mitarika an'Andriamanitra hanala tsiny ny fahotana ny fitiavany... Tsy hiray tsikombakomba amin'ny fahotantsika Izy na hanakimpy ny masony amin'ny toetrantsika ratsy. Manantena antsika handresy amin'ny anarany Izy » Henoinareo ny fanoharana p 278<sup>3</sup>

Ny toetra faharoa izay mampiavaka ny zanaka sisa dia ny **fitanana ny filazana an'i Jesosy** ; ny filazana an'i Jesosy izay ambaran'ny tenin'Andriamanitra fa ny « **Fanahin'ny faminaniana** » Apok 19 :10.

Tsy hoe manana ny bokin'ny fanahin'ny faminaniana no ahatonga ny olona ho zanaka sisa fa ny fanarahana izay ambaran'ny Fanahin'ny faminaniana

### **1) MANANA LANJANY LEHIBE EO AMIN'NY FIAINAN'NY VAHOAKAN'ANDRIAMANITRA VE NY FANAHI'NY FAMINANIANA ?**

« **Zava-dehibe tokoa** ho an'izay mino ny fahamarinana ankehitriny, ny **manana fahalalana mazava ny maha-izy azy ny FANAHI'NY FAMINANIANA** sy ny hery miasa mangina avy aminy, izay nakamban'Andriamanitra amin'ny asan'ny Anjely fahatelo araka ny fitondrany hatrany ampiandohany » 5T 654

### **2) NAHOANA NO TSY MAINTSY ARAHINA DAHOLO IREO TOROHEVITRA AO AMIN'NY BOKIN'NY FANAHI'NY FAMINANIANA?**

« **Tsy afaka mampiasa ny famitahany rehetra sy ny hafetsen-dratsiny i Satana** raha toa ka **arahina daholo** ireo toro-hevitra sy fampitandremana avy amin'ny **Fanahin'ny Faminaniana** » 1SM 48

« **Ny fampianarana nomena tamin'ny fiandohan'ny hafatra nentitsika dia tokony harahina** satria AZO ANTOKA ny amin'ny andro farany. Fa ho an' **izay tsy miraika amin'izany fahazavana sy fampianarana izany kosa dia tsy afaka**

**manantena ny handositra** an'ireo izay nambara tamintsika fa **hanjo an'izay rehetra mandà ny fahazavana izany » 1 SM 41**

**3) INONA NO ANTONY MAHABETSAKA NY OLONA MANDEHA AMIN'NY LALANA MIFANOHITRA AMIN'NY FAHAZAVANA NOMEN'ANDRIAMANITRA AO AMIN'NY BOKIN'NY FANAHIN'NY FAMINANIANA?**

« Betsaka ireo mandeha amin'ny lalana mifanohitra mihitsy amin'ny fahazavana izay nomen'Andriamanitra ny vahoakany, satria **tsy mamaky ny boky izay misy fahazavana sy fahalalana momba ny fampitandremana, ny fanamelohana sy ny fananarana izy...**, Rasin'Andriamanitra ho **tompon'antoka amin'izany antsirambina izany ny vahoakany**. Tsy maintsy **hampamoahin'Andriamanitra** isika **ny amin'ny tarapahazavana rehetra** izay naposany teo amin'ny lalantsika mba **hahafahana mitombo ara-panahy** na nekentsika izany na nolavintsika satria mora kokoa amintsika ny manaraka an'ireo fironana ao anatintsika » **5T 581**

**4) INONA NO TANJON'I SATANA MANOLOANA NY FAMPIASANA NY FANAHIN'NY FAMINANIANA ?**

“ Ny tanjona kendren'i Satana dia ny **hisakana ny fahazavana avy amin'ny Fanahin'ny Faminaniana tsy hanazava ny vahoakany**, izay tena mila azy tokoa eo anivon'ireo loza amin'ny andro farany” **5T 667**

**5) INONA NO FITAKA FARANY HAMPIASAIN'I SATANA?**

“ Ny fitaka farany hampiasain'i Satana dia ny **hanatsatsoana ny Fanahin'ny Faminaniana**. Raha tsy misy fahitana, dia atondraka hanaram-po amin'izay tsy mety ny olona” (ohab 29:18). Hiasa amin'ny alalan'ny fitaka sy fomba maro samihafa i Satana, mba hanalana ny toky eo amin'ny vahoaka sisa manodidina ny faminaniana.” **1SM 48**

Raha ireo fanambarana avy amin'ny bokin'ny fanahin'ny faminaniana ireo no jerena dia tsy mahagaga raha mitotongana ny fianam-panahin'ny Fiangonana satria atao tsinontsinona ireo fahazavana avy amin'ny fanambarana nampitaina tamin'ny anabavy Ellen White;

**6) INONA NO ATAON'I SATANA MANOLOANA NY FANAHIN'NY FAMINANIANA?**

“**Fa hisy fankahalana avy amin'i Satana hirehitra hanohitra ny Fanahin'ny Faminaniana**. Ny **tanjona kendren'i Satana** amin'ny asa izay hataony dia ny **hanary toky ny fiangonana ny amin'io Fanahin'ny Faminaniana io** noho izao **antony** manaraka izao: **Tsy afaka mampiasa ny famitahany rehetra sy ny hafetsen-dratsiny i Satana raha toa ka arahina daholo ireo torohevitra sy fampitandremana avy amin'ny Fanahin'ny Faminaniana**” **1 SM 48**

**7) NY OLONA MANAO AHOANA NO LAZAINA FA MANDÀ NY FANAHIN'NY FAMINANIANA?**

**“ Tsy izay mandà mivantana ny Fanahin'ny Faminaniana irery ihany na izay rehetra voakasik'izany no mitoetra eo amin'ny toerana mampidi-doza. Fa ny manao antsirambina ny fahazavana dia midika fa mandà azy” 5T 680**

**➔ Voalaza fa izay manao antsirambina ny fahazavana avy amin'ny Fanahin'ny Faminaniana dia midika fa mandà azy ihany koa.**

**8) EFA FANTATR'ANDRIAMANITRA VE FA HANAO ANTSIRAMBINA NY FAHAZAVANA AVY AO AMIN'NY FANAHIN'NY FAMINANIANA NY FIANGONANA ADVANTISTA MITANDRINA NY ANDRO FAHAFITO, IZAY MIDIKA ARAKA NY VOALAZA EO AMBONY FA FANDAVANA NY FANAHIN'NY FAMINANIANA NY TOY IZANY?**

**“ Ireo mihambo ho manana ny fahazavana, kanefa tsy mandeha araka izany akory, no itenenan'I Kristy hoe: Fa lazaiko aminareo fa ho moramora kokoa ny ho amin'ny Tyro sy Sidona amin'ny andro fitsarana noho ny aminareo. Ary hianao ry Kapernaomy ,Ry Advantista Mitandrina ny Andro Fahafito, izay nahazo fahazavana lehibe, hasandratra hatrany an-danitra va hianao (any amin'ny tendron'ny tombo-tsoa)? hietry hatrany amin'ny fianian-tsi-hita hianao” Review and Herald 1 Aog 1893 (Last Day Event p 48<sup>2</sup>)**

**9) INONA NO MAHA-ZAVADOZA NY FANAOVANA AN-TSIRAMBINA NY FIHAINOANA NY ANTSON'NY FANAHY MASINA SY NY TENIN'ANDRIAMANITRA?**

**“ Izay rehetra manao an-tsirambina ny fihainoana ny antson'ny Fanahy sy ny Tenin'Andriamanitra dia ho very satria ny fankatoavana dia midika ho fitondrana ny hazo fijaliana” Testimonies for the Church vol 3 p 258**

**10) MOA VE AZO TANTERAHINA AVOKOA NY BAIKON'ANDRIAMANITRA VOASORATRA AO ANATIN'NY BOKIN'NY FANAHIN'NY FAMINANIANA?**

**“ Rehefa miara-miasa amin'ny sitrapon'Andriamanitra ny sitrapon'ny olona, dia manan-kery indrindra izany. Na inona na inona tokony hatao noho ny baikony, dia mety ho tanteraka noho ny heriny. Ny baikony rehetra dia teny fikasana avokoa” nCOL 333**

**11) REHEFA TSY ARAHINA NY TOROHEVITRA AO AMIN'NY FANAHIN'NY FAMINANIANA DIA INONA NO ZAVATRA HITRANGA AO AMIN'NY FAMPIANARANA EO ANIVON'NY FIANGONANA?**

**“Ampoizina sy eritreretina fa hatsofotsofoka daholo izao zavatra rehetra izao ary afangaro amin'ny foto-pinoana madio” 2 MC p 15**

**10) INONA NO FAHAZAVANA NOMEN'NY TOMPO AN'I ELLEN WHITE MOMBA NY OLONA HITSANGANA HAMPIANATRA ZAVATRA DISO AO AM-PIANGONANA?**

“ Araka ny fahazavana nomen'ny Tompo ahy, dia hisy olona hitsangana hampianatra zavatra diso. Eny, sahady, efa miasa sahady sy mteny zavatra tsy nolazain'ny Tompo izy, ka ampitoviany tantana amin'ny zavatra tsy masina ny zavatra masina. Atao ny fanerena, ary tohizana izany fanerena izany hanarahana hevi-diso novinavinain'ny sain'olombelona izay tsy misy ifandraisany amin'ny fahamarinana. Misy fitsipika foronina izay tsy fitsipika akory, ka rehefa ampiharina ny tena fitsipika dia mifangaro ka tsy voavaka intsony ilay fitsipika tsy misy dikany noforonin'olombelona. **2MC 15**

➔ Aoka tsy ho gaga mihintsy isika raha be dia be ireo fampianarana toy ny fampidirana faty ao am-piangonana, ny fanekena ny feon'ny fireritreretana tsirairay amin'ny fanaovana politika, ny fandraisana anjara amin'ny raharaha miaramila, ny fitafo izay manaraka ny fitafo'izao tontolo izao, toy ny fanaovan'ny vehivavy pataloha, ny fihinanana ireo karazan-tsakafo izay raran'Andriamanitra, ny fivavahana mitsangana sns, izay lasa heverin'ny olona maro fa tsy misy lanjany eo amin'ny fiainany ara-panahy.

**11) INONA NO TOMBONTSOA LEHIBE RAISIN'NY OLONA, RAHA ARAHINA DAHOLO IREO TORO-HEVITRA SY FAMPITANDREMANA AVY AMIN'NY FANAHIN'NY FAMINANIANA?**

« **Tsy afaka mampiasa ny famitahany rehetra sy ny hafetsen-dratsiny i satana** raha toa ka arahina daholo ireo toro-hevitra sy fampitandremana avy amin'ny **Fanahin'ny Faminaniana** » **Selected Messages book 1 p48**

**12) INONA KOA NY VOKATRY NY TSY FANARAHANA IREO FAHAMARIANANA REHETRA VOALAZAN'NY BAIBOLY SY NY FANAHIN'NY FAMINANIANA?**

“ Ireo **fahamarinana tapatapany** sy ireo **fampianarana mivoana** dia mitondra mankeo amin'ireo fahadisoan-kevitra ary **manakana antsika tsy hanahaka an'i kristy**” (ms 43, 1907) **commentaire bibliques p330**

**13) NOHO NY TAHOTR'I SATANA FANDRAO HO FANTATRY NY OLONA IREO TOROHEVITR'ANDRIAMANITRA DIA SAKANANY NY OLONA TSY HIHAINO IREO MPITONDRA HAFATRA. METY VE NY FANDRARANA TOY IZANY?**

“ Raha misy hafatra aseho amin'ny vahoakan'Andriamanitra, dia **aza mitsangan-kanohitra izany avy hatrany**, fa **miantehera amin'ny Baiboly**, dia **mampitaha izany amin'ny lalàna sy ny tenin'ny vavolombelona**; koa raha tsy mahazaka izany sedra izany izy dia tsy marina” **Message choisis vol 1 p486**

**14) INONA NO HILAZAN'NY SASANY IREO MPANOMPON'ANDRIAMANITRA MANAMBARA NY FAHAMARINANA?**

“ Maro no hita fa tsy mahatoky amin’ny didin’Andriamanitra, izay fitsapana ny tena toetra. **Hatsoiny hoe mpieboebo ireo mpanompon’Andriamanitra. Hisy Pastora izay handrara ny olona tsy hihaino azy ireo.** Toy izany no nahazo an’i Noa raha nampirisika azy hilaza ny hafatra ny Fanahin’Andriamanitra, na hihaino izy ireo na hihenahena” **Testimonies to Ministers p 223**

➔ Mila manapa-kevitra isika hanaraka izay rehetra ambaran’ny Fanahin’ny Faminaniana, ary raha misy ireo mpanompon’Andriamanitra manambara ny sitrapony dia aza mitsanga-kanohitra izany avy hatrany fa sedrao amin’ny alalan’ny Baiboly sy ny Fanahin’ny Faminaniana izay ambarany.

## I° NY FANAHIN’NY FAMINANIANA MANOLOANA NY FIVAVAHANA MITSANGANA

NAHOANA NY FIANGONANA AMIN’IZAO FOTOANA IZAO NO MISY FOTOANA MITSANGANA REHEFA MIVAVAKA AO AM-PIANGONANA? RY FIANGONANA! ARAKA NY FANAMBARANA AVY AO AMIN’NY FANAHIN’NY FAMINANIANA: **TSY ANKASITRAHAN’ANDRIAMANITRA NY FIVAVAHANA MITSANGANA!**

### NY FIHETSIKA METY REHEFA MIVAVAKA

*Nadika avy tamin’ny Soratànan’I Ellen White, **tsy misy fanampim-panazavàna**  
2 Selected messages: Chap. 32 - Proper Attitude in Prayer; page 311 ( Message chosisis vol. 2. Chap 32)*

“Matahora an’Andriamanitra, ka *omeo voninahitra Izy*; fa tonga ny andro fitsarany; ary *miankohofa eo anoloan’Izy* nanao ny lanitra sy ny tany sy ny ranomasina ary ny loharano” Apôk 14: 6

#### 1-Ahoana no fihetsika mety rehefa mivavaka?

"Avia, ka aoka hiondrika sy hiankohoka isika; **aoka isika handohalika** eo anatrehan’I Jehôvah , Mpanao " (Salamo. 95:6). {2SM 312.4}

“ Naharay taratasy aho nanontany ahy mikasika ny fihetsika mety tokony hataon’ny olona iray manolotra vavaka amin’ily Mpanjakan’izao rehetra izao. Taiza no nahazoan’ireo rahalahantsika hevitra fa tokony hitsangana izy ireo rehefa mivavaka amin’Andriamanitra? Nisy olona iray izay nianatra efa ho dimy taona tany Battle Creek nangatahana hivavaka mialohan’ny hitenenan’i Anabavy White amin’ny vahoaka. Kanefa raha mbola nijery azy aho , nitsangana nijoro mahitsy tsara, raha iny izy hanokatra ny molony hivavaka amin’Andriamanitra iny, dia noterem-panahy aho hiteny azy am-pahibemaso. Nantsoiko tamin’ny anarany izy ka, hoy aho hoe: “ **milefera eo ambonin’ny lohalikao**”. **Izy no fihetsika mety mandrakariva.** {2SM 311.1}

"Ary Izy nihataka taminy tokony ho indray mitora-bato, dia **nandohalika ka nivavaka hoe:** " (Lioka 22:41). {2SM 311.2}

"Ary navoakan’I Petera avokoa izy rehetra, **dia nandohalika izy ka nivavaka**; ary nitodika nanatrika ny faty izy ka nanao hoe: ry Tabita, mitsangàna. Dia nahirany ny masonry, ary raha nahita an’I Petera izy, dia niarina. (Asa 9:40). {2SM 311.3}

"Ary ny olona nitora-bato an’I Stefana, izay niantso hoe: Ry Jesôsy Tompo o, raiso ny fanahiko. **Dia nandohalika izy ka niantso** tamin’ny feo mahery hoe: Tompo ô, aza atao ho helony anie izao ota izao. " (Asa 7:59, 60). {2SM 311.4}

"Ary rehefa niteny izany izy, **dia nandohalika teo ka niara-nivavaka** tamin’izy rehetra " (Asa 20:36). {2SM 312.1}

"Ary rehefa tapitra izany andro izany, dia niala izahay ka lasa nandeha; ary izy rehetra mbamin’ny vady aman-janany dia nanatitra anay hatrany ivelan’ny tanàna; **ary nandohalika teo amoron-dranomasina izahay ka nivavaka** " (Asa 21:5). {2SM 312.2}

"Ary nony tamin’ny fotoan’ny fanatitra hariva dia nody ny aiko, ka nitsangana aho, sady nandriatra ny lambako sy ny akanjoko indray, **dia nandohalika nanandratra ny tanako** ho amin’I Jehovah

Andriamanitra aho ka nanao hoe: Andriamanitra ô, menatra sy mangahiahy aho, raha miandrindra aminao, ry Andriamanitra ô: fa efa nihamaro mihoatra ny lohanay ny helokay, ary ny fahotanay dia lehibe manakatra ny lanitra " (Ezra 9:5, 6). {2SM 312.3}

"Ary noho izany no **handohalehako amin'ny Ray** " (Efes. 3:14). Ary ity toko rehetra ity, raha mandray tsara ny fo, dia ho lesona sarobidy azontsika hianarana . {2SM 312.5}

## **2-Amin'ny fotoana manao ahoana no tokony handohalika isika rehefa mivavaka?**

“Na amin'ny vavaka ampahibemaso , na amin'ny vavaka manokana dia adidintsika ny mampilefitra ny lohalitsika eo anatrehan'Andriamanitra rehefa manao fangatahana aminy isika. Io fihetsika io dia mampiseho ny **fiantetherantsika** amin'Andriamanitra”. {2SM 312.7}

*“Ary rehefa mivory mba hanompo an'Andriamanitra ianareo, aza adino ny mampilefitra ny lohalikareo eo anatrehany. Aoka io fihetsika io no hanaporofo fa ny fanahy, vatana sy saina rehetra dia milefitra eo ambanin'ily Fanahin'ny fahamarinana....”{2SM 314.2}*

“Miaina amin'ny vanim-potoana tandindomin-doza isika izao. Ny Advantsita mitandrana ny andro fahafito dia milaza fa vahoaka mpitandrana ny didin'Andriamanitra; kanefa verin'izy ireo ny fanahin'ny fanoloran-tenan'izy ireo. Io toe-tsaina manaja an'Andriamanitra io dia mampianatra ny olona hoe ahoana no fanatona ny Mpamorona azy ireo- ombàm-pahamasinana sy fahatahorana amim-pinoana, tsy amin'ny alalan'ny tenan'izy ireo, fa amin'ny alalan'ny Mpanalàlana...”

## **3-Fa maneho inona eo anatrehan'Andriamanitra ny vavaka mipetraka na mitsangana raha afaka mandohalika isika?**

“Manantena isika fa ireo rahalahintsika , rehefa manatona an'Ilay Andriamanitra velona sy marina, dia tsy haneho fanajàna sy fahatahorana latsa-danja noho ny an'ireo mpanompo sampy amin'ny andriamani-tsy iziny... Niteny tamin'ireo rehetra nitàna ny toeran'ny mpampianatra tao amin'ny sekolintsika aho. Lehilahy sy vehivavy, **aza manala-baraka an'Andriamanitra amin'ny fombanareo sy ny tsy fanajànareo. Aza mitsangana** miaraka amin'ny toetra maha-fariseo anareo ka manolotra ny vavakareo amin'Andriamanitra. Aza mahatoky ny herinareo. Aza miankina amin'izany; fa ampifefero eo anatrehan'Andriamanitra mandrakariva ny lohalikareo, ka mivavaha aminy”. {2SM 314.1}

## **AIZA IHANY NY TOERANA AZONTSIKA TSY HAMPIHARANA NY FIVAVAHANA MANDOHALIKA?**

### **4-Azo atao ihany ve ny mivavaka tsy mandohalika rehefa eny amin'ny toerana na fotoana na toe-javatra tsy ahafahana mandohalika?**

“Tsy misy fotoana na toerana izay tsy ahafahantsika manolotra ny fangatahantsika amin'Andriamanitra...**Eny amin'ny lalana be olona mifamezivezy**, eny **anivon'ny asa aman-draharaha**, dia afaka manandratra vavaka amin'Andriamanitra isika, ka mangataka ny fitarihana masina, tahaka ny nataon'i Nehemia raha nanao ny fangatahany tamin'ny mpanjaka Artaxerxes izy”

---Steps to Christ (Pocket ed.), p. 99. {2SM 316.2}

NOHO IZANY:

“ **Tsy hoe tsy maintsy ilaina ny mandohalika mandrakariva rehefa mivavaka. Voleo ny fahazarana miresaka amin'ny Mpamonjy anao rehefa irery ianao, rehefa**



**mandeha eny an-dàlana**, ary **rehefa manao ny asanao isan'andro** “-The Ministry of Healing, pp. 510, 511. {2SM 316.4}

“Afaka miresaka amin'i Jesôsy isika rehefa mandeha **eny an-dàlana eny**, ary Izy dia niteny hoe, eo an-tànan'ankavananao Aho. Afaka mifandray amin'Andriamanitra ao am-pontsika isika; afaka mandeha miaraka amin'I Kristy ho namantsika isika. Rehefa **manao ny asantsika** isan'andro isika, dia afaka mandefa ny vetsoventsom-pontsika, tsy henon'ny sofin'olombelona; kanefa izany teny izany dia tsy ho faty ao amin'ny mangingina akory, na ho very. Tsy misy na inona na inona afaka handevina ny fanirian'ny fanahy. Afaka mihoatra ny tabataba eny an-dàlana izany, mihoatra ambon'ny feon'ireo milina. Amin'Andriamanitra no hiresahantsika, ary hohenoina ny vavaka ataontsika “-Gospel Workers, p. 258. {2SM 316.3}

**Ireo toerana izay tsy ahafahanao mampilefitra ny lohalikao ihany no azon'Andriamanitra ekena ny tsy fandohalehana rehefa mivavaka**, toy ny eny an-dàlana, eo am-panaovana ny asa andavan'andro fa ny ankoatr'izay dia adidintsika hoy ny Fanahin'ny Faminaniana ny mampilefitra ny lohalintsika

**FA NY TOERANA ANKOATR'IZAY KOSA, INDRINDRA REHEFA AO AM-PIANGONANA MANAO AHOANA?**

**5-fa rehefa fivoriam-bavaka kosa !?**

“Ary rehefa mivory mba hanompo an'Andriamanitra ianareo, aza adino ny mampilefitra ny lohalikareo eo anatrehany. Aoka io fihetsika io no hanaporoko fa ny fanahy, vatana sy saina rehetra dia milefitra eo ambanin'ilay Fanahin'ny fahamarinana”{2SM 314.2}

"Avia, ka aoka hiondrika sy hiankohoka isika; aoka isika handohalika eo anatrehan'I Jehôvah , Mpanao " (Salamo. 95:6)

**RAHA FEHEZINA IZAY AMBARAN'NY BAIBOLY SY NY FANAHAHIN'NY FAMINANIANA DIA TSY ANKASITRAHAN'ANDRIAMANITRA NY FIVAVAHANA MITSANGANA:**

“ **Te hampiseho fahavitan-tena sy fahalehibiazana** va izy ireo amin'ny izany **fitsanganana mivavaka** izany ?” 2MC p 361<sup>4</sup>

“ Ry lehilahy sy vehivavy, mba **aza manala baraka an'Andriamanitra noho ny tsy fisiam-panajana** asehonao sy ny fanambonian-tenanao. **Aza mitsangana** amin'ny toe-tsain'ny Fariseo anananao io rehefa mivavaka amin'Andriamanitra”. 2MC p 362<sup>2</sup>

“ Na amin'ny fanompoam-pivavahana ataon'ny besinimaro na isam-batan'olona, dia **tombotsoa ho antsika ny mandohalika eo anatrehan'Andriamanitra** rehefa manolotra ny fangatahantsika Aminy isika. **Jesosy Ilay ohatra ho antsika dia nandohalika.**” MM p 34<sup>1</sup>

**6) Satria ve efa fanao mahazatra ny fivavahana mitsangana, dia tokony harahina izany?**

**“Tsy manana fahefana isika ny hampianatra araka ny filamatr’izao tontolo izao na ny filamatry ny fiangonana, noho ny antony tsotra fotsiny hoe : « Efa izao no fanao mahazatra ». Ny lesona rehetra navelan’i Jesosy ho antsika, izany no filamatra, modely harahina”. 2TE p 491,492**

**7) Ary ahoana kosa ny amin’ny olona efa antitra, tsy mampaninona ve na tsy mandohalika aza?**

**“ Tsy azo atao ho fialan-tsiny tsy hankatoavana ny didin’Andriamanitra ny fahanterana.** Nozahan-toetra mafy dia mafy i Abrahama teo amin’ny andron’ny fahanterany. Toa mafy loatra, ary toy ny efa tsy mifandanja amin’ny faharerahan’ity lahy antitra ity ny zavatra takian’Andriamanitra aminy. Nefa tsy niady hevitra na dia fotoana kely akory aza izy, ary tsy nisalasala ny hankato.” 1TE p 575<sup>3</sup>

**8) Nahoana moa isika no tsy maintsy miankohoka foana rehefa mivavaka?**

**“Misy olona miteny amin’ Ilay Andriamanitra Lehibe sy Masina ary mahatahotra, Izay mipetraka any amin’ny fahazavana tsy azo antonina tahaka ny fiteny amin’ny olona mitovy aminy na ambany noho izy. Tokony ho tsaroan’ireny olona ireny fa manoloana Ilay ivavahan’ny Serafima sy anaronan’ny anjely ny tavany izy. Izay rehetra mahatsapa marina tokoa ny fanatrehan’Andriamanitra dia manantona Azy aminy fitsaohana Masina sy miankohoka eo anatrehany am-panetrentena”. PM p 249<sup>1</sup>**

- Ireo Loholona 24 dia niankohoka : Apok 4 :4,9,10

- Mariky ny fanajana ny fiankohofana. Dan 3 : 3,4,5,7

**II) NY FANAVAOZANA ARA-PAHASALAMANA SY NY FANAHAHIN’NY FAMINANIANA**

**NAHOANA NO TSY MAINTSY ILAINA NY FANAVAOZANA ARA-PAHASALAMANA EO AMIN’NY VAHOAKAN’ANDRIAMANITRA?**

**NY FANAVAOZANA ARA-PAHASALAMANA**

**1) Nahoana no tsy maintsy manao fanavaozana ara-pahasalamana ny vahoakan’Andriamanitra ?**

**« Nanome ny fanavaozana ara-pahasalamana Andriamanitra, ary izay rehetra tsy manaiky izany dia mandà an’Andriamanitra » Review and Herald 14 Avril 1903**

**« Ny fanaovany tsinontsinona ny fanavaozana ara-pahasalamana dia hampiala ny maha-iraky ny Tompo azy » Testimonies vol 6 p 378**

**2) Inona no fahitana nomena an’i Ellen White tamin’ny 10 Desambra 1870 momba ny fanavaozana ara-pahasalamana ?**

« Tamin'ny 10 Desambra 1870, dia naseho ahy indray fa **ny fanavaozana ara-pahasalamana** dia tafiditra anisan'ny **asa lehibe izay hanomanana ny vahoakan'Andriamanitra amin'ny fiavian'ny Tompo**. Miaraka amin'ny hafatry ny anjely fahatelo izany tahaka ny tònana amin'ny vatana » *Témoignages vol I p 364*

**3) Nahoana isika no tsy maintsy mitandrina ny lalàn'ny fahasalamana ?**

« Aoka hianareo hitandrina tsara ireo didin'Andriamanitra. Ireo rehetra **izay mandika ireo lalàn'ny fahasalamana dia hiharan'ny fahatezeran'Andriamanitra** » *Conseils sur la nutrition et les aliments. P 480*

**4) Inona no tena antony mahatonga an'Andriamanitra sarotiny ; ka mahatonga Azy hitaona ny vahoakany hanao fanavaozana ara-pahasalamana ?**

« Andriamanitra dia maniry mba handiniana ny loha-hevitra midadasika ny **fanavaozana ara-pahasalamana**, sy ny mba hahatonga ny be sy ny maro hahazo famporisihana mahery vaika mba hianatra azy io ; satria zavatra **tsy hay heverina mihitsy ny hoe lehilahy sy vehivavy izay efa tafaraikitra ao anatin'ny fahazarana rehetra mitondra fahasimbana mahafarofy sy mahaosa ny ati-doha, no ho afaka hahay manavaka ny fahamarinana masina izay tsy maintsy hampiharin'izy ireo mba hahatonga azy ireo voamasina, ho voadio tsara, ho tafasondrotra sy ho voaomana, mba ho isan'ireo mpiara-monina amin'ireo anjelin'ny fanjakam-boninahitra...** » *Conseil sur la nutrition et les aliments, pp 82, 83*

**5) Inona no tena mahazava-doza ny fandikana ny lalàna momba ny vatantsika ka mahatonga antsika tsy maintsy manao fanavaozana ara-pahasalamana ?**

« **Ny fandikana ny lalàna momba ny vatantsika dia fahotana mitovy amin'ny fandikàna ny didy folo**. Ny fandikana ny iray na ny iray hafa dia maneho ny fandikana ny lalàn'Andriamanitra » » *Conseil sur la nutrition et les aliments. P 18*

**6) Afaka hanantena fanadiovana eo anatrehan'Andriamanitra sy ho vita fihavanana aminy ve ny olona minia mandika ny didiny ?**

« Tsy misy toky na fitsaharana na fanamarinana ao amin'ny fandikana ny lalàna. **Tsy misy olona afaka hanantena ho madio eo anatrehan'Andriamanitra sy ho vita fihavanana Aminy** noho ny fahamendrehan'i Kristy **raha mbola miziriziry ny manota ihany izy. Tsy mainty faranany izany fandikan-dalàna izany** »  
*Message Choisis Vol 1 p 250<sup>2</sup>*

**7) Moa ve afa-misaraka ny fivavahana marina sy ny lalàn'ny fahasalamana ?**

« **Ny fivavahana marina dia tsy afa-misaraka amin'ny lalàn'ny fahasalamana. Tsy ho tanteraka mihintsy ny asam-pamonjena** ho an'ireo namantsika **raha tsy ampahafantarina**

**azy fa mila miala amin'ireo fahafinaretana efa voarara izy ireo, fahafinaretana izay manimba ny fahasalamana, mandoto ny fanahy ary manakana ny fahamarinan'Andriamanitra tsy hiasa ao amin'ny fanahy » Témoignages vol 3 p160-161**

**8) Nahoana tokoa moa no tsy maintsy atao izay hahatafaverina ny lalàn'Andriamanitra ka ao anatin'izany ny lalàn'ny fahasalamana ?**

**« Raha tsy tafaverina eo amin'ny toerany ny lalàn'ny Tsitoha dia tsy mety hisy fifohazan'ny finoana sy ny toe-panahy araka an'i Ray izay any an-danitra tany am-piandohana eo anivon'ny vahoaka izay milaza fa Azy » Hery Mifanandrina p 493**

### **III) ZAVA-DOZA NY FIHINANANA HENA, NAHOANA ?**

#### **NY FIHINANANA HENA**

**“Tsy sakafo tandrify ho an'ny olony na oviana na oviana ny hena, satria indroa heny ny maharatsy azy noho fahamaroan'ny aretina mpahazo ny biby ...Miha mitombo ny aretina mpahazo ny biby amam-borona, noho izany dia efa ela isika no tokony ho niala tamin'ny fihinana azy (1902 no nanoratana azy). Nomena baiko aho hanambara fa raha misy fotoana tokony tsi-hihinana intsony ny hena noho ny loza aterany, dia amin'izao fotoana izao indrindra”. *Conseils sur la nutrition* p 458- 459**

#### **1) Inona no anisan'ny antony tsy ihinanana hena?**

**« Manetsika ny filana ambany (ara-nofo), nefa mandemy ny filana ambony (ara-panahy) ny fihinana nofon-javatra. » *Conseils sur la Nutrition* p 457.**

*Fil. 3 :19 1 Kor. 3 :16-17, 10 :31 “Fahaverezana no hiafarany, ny kibony no andriamaniny,ny fahamenarany no voninahiny, fa misaina ny amin'ny tany izy”; “Tsy fantatrareo va fa tempolin'Andriamanitra hianareo, ary ny Fanahin'Andriamanitra mitoetra ao anatinareo? Raha misy manimba ny tempolin'Andriamanitra, dia mba hosimban'Andriamanitra kosa izy, fa masina ny tempolin'Andriamanitra, dia hianareo izany. » ; « Koa amin'izany, na mihinana na misotro hianareo, dia ataovy ho voninahitr'Andriamanitra izany rehetra izany. »*

#### **2) Mety hiseho avy hatrany ve ny voka-dratsin'ny fihinanana hena?**

**“Ny voka-dratsin'ny fampiasana hena ho sakafo dia mety tsy hiseho avy hatrany, izany anefa dia tsy porofon'ny maha fanapoizinana ny hena atao sakafo. Vitsy ny olona izay mahatsapa sy mino fa ny hena izay nohaniny dia nanapoizina ny rany, ary miteraka ireo fanaintainana isan-karazany. Maro ny olona no maty noho ny fampiasana nofon-javatra ho sakafo, kanefa dia tsy mitana izany ho tompon'andraikitra....Fahadisoana goavana ny fiheverana fa ny herin-tsandry dia avy amin'ny fihinanan-kena...*Le Ministère de la guérison, (L'Histoire de la Rédemption*1868)**

#### **3) Azo atao ve ny mihinana hena?**

**« Tsy azontsika atao mihitsy ny mampiditra na dia didin-kena iray aza ao anatin'ny vavonintsika. Ny fihinanana nofom-biby dia manohitra ny natiora. Isika no tsy maintsy miverina manaraka ilay**

**4) Nahoana ny olona taloha no nahazo nihinanana hena fa maninona amin'izao no rarana?**

« Nomena baiko aho hilaza fa **raha nisy ny fotoana izay azo nihinanana hena** tsy nisy loza natahorana dia **tsy izay intsony ny zava-misy ankehitriny** » **Conseils sur la nutrition p 458-459**

**5) Inona ihany koa ny antony tsy hihinana hena?**

« Ny legioma, ny voankazo ary ny serealy no tokony hifangaro ho fihinantsika. Tsy tokony hisy na dia didin-kena iray aza tafiditra anaty vavonintsika. **Mifanohitra amin'ny natiora ny fampiasana ny hena** . **Conseil sur la nutrition et les aliments p 454**

**9) Hanao ahoana ny olona niova fo tapany ny amin'io resaka fihinanan-kena io ?**

« Maro amin'ireo **izay miova fo tapany momba io resaka fihinanan-kena io** ankehitriny, **no handao ny Fiangonana ka tsy hiara-mandeha aminy intsony.** » **Any am-parany any p.73-74**

**10) Hanao ahoana ny olona miandry ny fiavian'ny Tompo manoloana ny fihinanana hena?**

“Amin'ireo izay miandry ny Tompo, **ny fihinanan-kena dia hatsahany**, mba tsy ho isan'ny sakafo fihinany intsony.” **Conseils sur la nutrition p 454**

**NY HATENDAN-KANINA :**

«Na dia efa mitondra ny anarana aza isika, na dia eo aza ireo fahalalana ananantsika momba ny fanavaozana ara-pahasalamana dia mihinana be loatra isika. **Ny hatendan-kanina dia antony fototra mampivika ny saina sy ny eritreritra**, ary fototry ny ankamaroan'ny fahalemena izay tsapa hatraiza hatraiza » **Idem p 160**

« **Tsy ho vitan'ireo izay manome vahana ny fitiavan-komana mihitsy ny hahatratra ny fahatanterahana Kristiana** » **Testimonies vol 2 p 400**

**NY FIHINANANA ANELANELAM-POTOANA**

« Mahagaga ahy ny mandre fa na dia maro aza ny fahazavana nomena teto amin'ity toerana ity dia mbola misy aminareo ihany mihinana eo anelanelan'ny sakafo ! **Tsy tokony hisy na dia poti-kanina kely aza hiditra ny vavanareo amin'ny fotoana tsy fisakafoanana** » **Testimonies vol 2 p 373**

**NY FIHINANANA SIRAMAMY BE LOATRA**

« Araka ny fahazavana izay natolotra ahy, **ny fampiasana siramamy be loatra dia manimba lavitra noho ny hena** » **Conseil sur la nutrition et les aliments**

## 11) Inona no zavatra tena atahoran'i Satana indrindra ?

« Ny zavatra tena atahoran'i Satana mafy indrindra dia ny hoe, ny vahoakan'i Tsitoha manamboatra ny lalana amin'ny fanesorana an'ireo sakana rehetra, mba hahafahan'ny Tompo mandrotsaka ny fanahiny eo amin'ny fiangonana saozanin-dava sy ireo vondrona tsy mibebaka. **Raha ohatra ka afaka mahomby ireo tetikasan'i Satana dia tsy hisy fifohazana mihitsy na oviana na oviana hatrany amin'ny fiafaran'ny fotoana, na fifohazana lehibe izany na kely** » Messages Choisis vol 1 p 144

-----

**MANAN-DANJA MANOKANA EO AMIN'NY FIAINAN'NY VAHOAKAN'ANDRIAMANITRA VE NY MOMBA NY FITAFY ? TSY TOKONY HANAO PATALOA NY VEHIVAVY, NAHOANA ?**

### **NY FITAFIANA**

« *Aoka ny vehivavy tsy hitafy ny fitafian-dehilahy ; ary aoka ny lehilahy tsy hitafy ny fitafiam-behivavy ; fa fahavetavetana eo imason'i Jehovah Andriamanitra izay manao izany* » Deot 22 : 5

« Maniry ny hanahaka ny lehilahy araka izay azo atao ny vehivavy, mba te-hanao kasikety, pataloha, veste « tunique » sy botte » Message Choisis Vol 2 p 536<sup>1</sup>

« **Tian'Andriamanitra hapetraka mazava tsara ny tsy fitovian'ny fitafian'ny lehilahy sy ny vehivavy.** Hisy ny sasany hiteny avy hatrany hoe : Ny fitafiana hafatrafarinao dia efa nilaozan'ny toetr'andro (tsy misy lanjany). Tiako raha mba manana fiainana nilaozan'ny toetr'andro isika amin'ny lafiny maro. Nirina tokoa raha mba nananantsika ny hery sy ny tanjaka izay nilaozan'ny toetr'andro izay nananan'ireo vehivavy izay efa nilaozan'ny toetr'andro tamin'ny taranaka efa lasa » Message Choisis Vol 2 p 536<sup>1,2,3</sup>

« **Ho an'ireo izay vao nandray ny fahamarinana, izay toriantsika, dia ny fampianarana ny amin'ny fitafiana no anisan'ny zavatra tokony hampianarina indrindra an'izy ireny.** Aoka ho feno ny fahalalan'izy ireny ny amin'ity fitafiana ity » Témoignage pour l'Eglise Vol 2 p 458<sup>2</sup>

« Ny fanaovana akanjo lafo vidy loatra, mirentirenty be, tsy ara-pahasalamana, mampitanjaka, ary tsy maneho ny maha mpitandrina ny didin'Andriamanitra dia tsy sitrak'Andriamanitra. Ny vehivavy indrindra dia tsy tokony hanao pataloha, hanao fitafiana maka tahaka ny lehilahy, jupe fohy, akanjo manify mampitanjaka fa ho maontina sy ho matahotra an'Andriamanitra » Vakio Selected Message vol 2 p 447

« **Manamaizina ny saina ny lamaody, ary mikiky ny ara-panahy. Manimba ny fiangonana Advantista izany, ary mampisaraka ny mambra ao aminy amin'Andriamanitra** mihoatra noho ny zavatra rehetra . Ary naseho ahy, fa tena tsy ampy ny fitsipiky ny fiangonana ny amin'io lafiny io. Ny fampisehoana avonavona eo amin'ny fitafiana izay voararan'ny tenin'Andriamanitra dia tokony ho antony ampy mba hampiharana ny fitsipi-pifehezana. Na teo aza ny fampitandremana maro, ny antso sy ny fitalahoana, raha mbola misy rahavavy no mbola manohy manaraka ny haratsiam-pony, dia azo heverina fa tsy mbola nilefitra eo amin'i Kristy izy. Tsy misy afa-tsy

ny « izaho » no fototry ny fiankohofany. Ny vehivavy izay manameloka ny tenany amin'izany, dia mitaona olona maro hiodina amin'Andriamanitra » Témoignage pour l'Eglise vol 1 p 694-695

« Ny fitenintsika, ny fihetsitsika, ny fitafiantsika, dia samy Mpitoriteny velona avokoa, izay manangona ho an'i Kristy na koa manaparitaka... » Témoignage pour l'Eglise vol 1 p 690<sup>1</sup>

« Ry rahavavy, ny fitafianao dia miteny na ho amin'ny fahamarinana na ho amin'izao tontolo izao Tsarovy anefa fa hampamoahin'Andriamanitra antsika ny hery miasa mangina izay nampiasaintsika » Témoignage pour l'Eglise vol 1 p 690<sup>2</sup>

« Fahotana tena lehibe tokoa no ataon'ny Advantista amin'ny famelana ny mambra ao amin'ny fiangonany mitafy amin'ny fomba tsy mifanaraka amin'ny finoany. Tsy maintsy mitsangana isika mba hanohitra an'io fahotana io, ary hanakatona varavarana amin'ny famitahan'ny lamaody. Raha tsy manao izany ny fiangonana dia ho very izy. 1 TE p 695

« Mifehy izao tontolo izao ny lamaody... Fandresena ho an'i Satana ny mahita fa nahomby ny fikasany, ary mitsiky ny fahafatesana raha mahita ny hadalan'ireo vehivavy izay manapotika ny fahasalamany, miankohoka amin'ny hafanam-po jamba eo anatrehan'ny lamaody » 1 TE p 689

**INONA NY ZAVATRA MIHAMAHAZO LAKA EO AMIN'NY FIANGONANA MIKASIKA NY FAMPIHARANA IREO FOTO-PINONANA?**

“ Nisy tsy firaihana mampanahy ankehitriny mikasika ireo foto-pinoana izay andrin'ny finoana Kristianina. Miha-mahazo laka ny hevitra milaza fa tsy zava-dehibe loatra iankinan'ny aina ireo foto-pinoana ireo rehefa dinihina. Manome hery ny sandrin'ireo mpiasan'i Satana io fihemorana io, ka ankehitriny dia ankasitrahan'ny olona an'arivony misora-tena ho mpanaraka an'i Kristy ireo hevitra diso sy ireo fitaka mampidi-doza, izay mihatra tamin'ny ain'ireo olona mahatoky fahiny ny fanoherana sy ny fampiharana izany” Hery Mifanandrina p 45<sup>4</sup>

-----

**MOA VE TSY TOKONY HIJANONA AO AMIN'NY ADVANTISTA (SDA) IHANY ISIKA RAHA MANAO IZANY FANAOVAOZANA IZANY? ARAKA NY AMBARAN'NY MARO HOE TOKONY HO AO ANATINY IHANY NO HANAOVANA IZANY.**

**NY TSARA HO FANTATRA MOMBA NY :**

**NY FIRENENA JIOSY SY NY FIANGONANA ADVANTISTA**

**Nesorina teo amin'ny firenena Jiosy ny fanjakan'Andriamanitra, inona no antony ? Inona no toe-javatra izay nandalovan'ny firenena Jiosy nahatonga azy ireo ho lasa nesorin'Andriamanitra taminy ny fanjakan'Andriamanitra, izay tonga : HAFATRA LEHIBE HO AN'NY FIANGONANA ADVANTISTA MITANDRINA NY ANDRO FAHAFITO**

**Boky nakana fanazavana :** Henoinareo ny fanoharana, toko : NY TANIMBOALOBOKA

**NATAO HO AN'IZA IHANY KOA IO LESONA TEO AMIN'NY FIRENENA JIOSY IO ?**

« Ny fanoharana momba ny tanimboaloboka dia **tsy hampiharina fotsiny amin'ny firenena Jiosy** fa misy **lesona ho antsika koa**. Ny fiangonana amin'ity taranaka ity dia notoloran'Andriamanitra tombon-tsoa sy fahitana lehibe, ary manantena setriny sahaza izany Izy » Henoinareo ny Fanoharana p256<sup>5</sup>

### **1) Iza moa ny firenena Jiosy teo anatrehan'Andriamanitra ?**

« Fa **firenena masina ho an'i Jehovah Andriamanitrao hianao**, hoy Izy ; fa hianao efa nofidian'i Jehovah Andriamanitrao ho firenena rakitra soa ho Azy mihoatra noho ny firenena rehetra ambonin'ny tany... » Henoinareo ny fanoharana p 249<sup>4</sup>

### **2) Inona no teny fikasana nomen'Andriamanitra ny firenena Jiosy ?**

« Fa ny Israely kosa ho voavonjin'i Jehovah. Amin'ny famonjena mandrakizay ; **tsy ho menatra na hangaihay mandrakizay mandrakizay hianareo** » Isaia 45 : 17

« Fa ianao kosa ry Israely mpanompoko, sy Jakoba izay nofidiako, Taranak'i Abrahama sakaizako...Aza matahotra hianao fa momba anao Aho...Indro ho menatra sy hangaihay izay rehetra tezitra aminao, ho tsinontsinona izy ; Eny **ho levona izay miady aminao** » Isaia 41 : 8-11

« Ny ory sy ny malahelo mitady rano, fa tsy mahita, ary ny lelany mainan'ny hetaheta, Izaho Jehovah no hihaino azy, **Izaho Andriamanitry ny Israely, tsy hahafoy azy** » Isaia 41 : 17

« Indro, avy ny andro, hoy Jehovah, Izay hanatanterahako ny teny soa, Izay nolazaiko ny amin'ny taranak'Israely sy ny taranak'i Joda. Amin'izany andro izany sy amin'izany fotoana izany dia **hampaniry Rantsana marina ho an'i Davida Aho**, Ary hanao fitsarana sy fahamarinana amin'ny tany Izy. Amin'izany andro izany dia **hovanjena ny Joda, ary Jerosalema handry fahizay**, Ary izao no hanononana azy ; Jehovah Fahamarinantsika » Jer 33 :14-16

« Izao no lazain'i Jehovah, Tompon'ny maro ; Amin'izany andro izany dia hisy folo lahy avy amin'ny firenena samy hafa fiteny rehetra hihazona ny sisin-damban'ny Jiosy anankiray ka hanao hoe : Mba handeha hiaraka aminareo izahay ; fa efa renay fa momba anareo Andriamanitra » Zakaria 8 :23

« Fa **izao no fanekena hataoko amin'ny taranak'Israely**, Rehefa afaka izany andro izany, hoy Jehovah : **Dia hataoko ao an-tsainy ny lalàko, Sady hosoratako ao am-pony ; Ary Izaho ho Andriamaniny, ary izy ho oloko** » Jer 31 :33



Raha mamaky tsara ireo teny fikasana ho an'ny Firenenena Israelianina ireo isika dia hahita ao anatin'ireo fa nanao fanekena manokana tamin'ny Firenena Jiosy Andriamanitra, ary nampanantena fa TSY HAHAFOY AZY IREO MIHITSY, ary izany no mahatonga ny Firenena Israely hatramin'izao mbola manantena fa izy ireo dia hasandratra ho Firenena miavaka indrindra eto ambonin'ny tany, ary mbola miandry an'izany hatramin'izao izy ireo.

TANTERAKA TEO AMIN'NY FIRENENA JIOSY VE IREO TENY FIKASANA IREO ? Tsia ! Inona no antony, fa nahoana Andriamanitra no niala tamin'ny Firenena Jiosy ? Inona no lesona nasehon'Andriamanitra avy tamin'ny fialany tamin'ny Firenena Jiosy ? Andeha hampitahantsika ny Firenena Jiosy sy ny Fiangoanana Advantista izay samy nofidian'Andriamanitra

### INONA NO ANTONY NIFIDIANAN'ANDRIAMANITRA VAHOAKA ISRAELY?

« Toy izany no nifidianan'Andriamanitra vahoaka avy amin'izao tontolo izao mba hotezaina sy hobeazin'i **Kristy**. Hoy ny mpaminany Isaia : Fa ny taranak'Israely no tanimboalobok'i Jehovah Tompon'ny maro, ary ny lehilahy amin'ny Joda no voly tiany » Tombon-tsoa lehibe no efa narotsak'Andriamanitra tamin'io vahoaka io ; ary nitahy be dia be azy tamin'ny fiantrany sy ny famindrampony Izy. **Nanantena azy ireo hanome voninahitra Azy izy tamin'ny famoazany be** » Henoinareo ny fanoharana p 246<sup>2</sup>

### INONA NO NANDRASAN'ANDRIAMANITRA TAMIN'IZY IREO ?

a) « Tokony hampibaribary ny foto-kevitra ny fanjakan'Andriamanitra izy ireo » H.F p 246<sup>2</sup>

b) « Amin'ny maha-tanimboaloboky ny Tompo azy (Israely) dia tokony hamao voa hafa dia hafa noho ny an'ny firenena jentilisa izy ireny » H.F p246<sup>3</sup>

d) « Tombon-tsoa ho an'ny firenena jiosy ny maneho ny toetra amam-panahin'Andriamanitra araka izay naseho tamin'i Mosesy..., Io no voa nirin'Andriamanitra amin'ny vahoakany. Ny fahadiovan'ny toetra amam-panahiny, ny fahamasinan'ny fiainany, ny famindrampo, ny fahalemam-panahy ombampitiavana sy ny fangorahana asehony, no tokony nanehoany fa « tsy misy tsiny ny lalàn'i Jehovah, mamelombelona ny fanahy » H.F p 246<sup>3</sup>-247<sup>1</sup>

e) « Nirin'Andriamanitra ny hahatonga ny vahoaka Israely ho fiderana sy ho voninahitry ny anarany. Nomeny azy ny tombontsoa ara-panahy rehetra. Tsy nisy notazotazoniny ny zavatra mahasoa ny famolavolana ny toetra amam-panahy, izay hahatonga azy ireo ho vavolombelon'ny tenany mihitsy » H.F p 249<sup>2</sup>

### INONA NO TOMBONTSOA LEHIBE NOMEN'ANDRIAMANITRA NY FIANGONANA ADVANTISTA ?

« Nasondrotra ho amin'ny tombon-tsoa ambony indrindra ireo fiangonana milaza fa an'i Kristy amin'ity taranaka ity. Naseho antsika tamin'ny fahazavana mitombo hatrany ny Tompo. **Lehibe lavitra noho ny tombon-tsoan'ny vahoakan'Andriamanitra fahiny ny tombontsoantsika** » Henoinareo ny fanoharana p 279<sup>2</sup>

## INONA IHANY KOA NO NANDRASAN'ANDRIAMANITRA TAMIN'NY FIANGONANA ADVANTISTA ?

« Isika amin'ny maha-vahoaka manokana antsika, dia milaza fa manana fahamarinana mihoatra noho ny vahoaka hafa rehetra eto an-tany. Noho izany **ny fiainantsika sy ny toetra amam-panahintsika dia tokony hifanaraka amin'izany finoana izany** » 5T p 100<sup>2</sup>

## NAHATANTERAKA NY ZAVATRA NANDRANDRAIN'ANDRIAMANITRA TAMINY VE NY ISRAELY ?

« Nefa **tsy nahatanteraka ny fikasan'Andriamanitra Israely** : Hoy ny Tompo : « Fa Izaho namboly anao ho karazam-boaloboka tsara indrindra, dia rantsana tsara avokoa ; ka ahoana no nanjary sampany ratsy hianao ho voaloboka hafa ? » H.F p 251<sup>3</sup>

« **Tsy nahatanteraka ny toky nomeny hanatratra ny fetra ambony natolotra azy anefa ny Israely...** » Sambatra p 11<sup>1</sup>

## NAHATANTERAKA NY ZAVATRA NANDRANDRAIN'ANDRIAMANITRA TAMINY IHANY KOA VE NY FIANGONANA ADVANTISTA ?

Tsy nahatanteraka ny zavatra nandrandrain'Andriamanitra taminy ny fiangonana, fa inona no hita ao amin'ny izy ireo ?

« Ny hita ao amin'ny fiangonana dia lehilahy sy vehivavy tsy tanteraka sy mania, ary miantsoantso ny hisian'ny fitiavana sy ny fifandeferana lalandava. Nefa efa ela no nisian'ny fotoanan'ny toetra matimaty teo amin'ny be sy ny maro ; **fanahin'izao tontolo izao no niditra ao amin'ny fiangonana**, ka efa narahin'ny fihafahafana, ny fitsaratsarana, ny fo lentika, ny adiady ary ny heloka » 5 T p104<sup>3</sup>

« Ny tsipika manasaraka ny olon'izao tontolo izao sy ireo olona maro izay milaza azy fa kristianina dia tsy hita mazava tsara intsony. Betsaka tamin'ireo izay efa Advantista nafana fo mantsy no **nanaraka ny fomba fanaon'izao tontolo izao : Ny zavatra fanaon' izao tontolo izao, ireo fahazaran' izao tontolo izao ny fitiavan-tenan' izao tontolo izao. Raha tokony hitarika izao tontolo izao hanaraka ny Lalàn'Andriamanitra ny Fiangonana dia tsy izany no nataony**, fa izy indray no miray amin'izao tontolo izao eo amin'ny fandikan-dalàna ary **izany firaisana izany dia miha-éty hatrany hatrany**. Andro arahina andro, **ny fiangonana dia manova-tena mba ho tonga mitovy amin'izao tontolo izao.** » *Testimonies for the church, vol. 8 pp 118 – 119*

## NORARAHIAN'NY VAHOAKA JIOSY VE NY HAFATRA FANAIRANA ?

« **Tsy noraharahian'ny vahoaka Jiosy ny hafatra fanairana**. Nanadino an'Andriamanitra izy, ka very teo imason'izy ireo ny tombon-tsoa lehibe nananany tamin'ny maha-solontenany azy. Ny fitahiana izay noraisiny dia tsy nitondra soa ho an'ny izao tontolo izao, fa nampiasainy ireny tombontsoa ireny ho fanomezam-boninahitra ny tenany. Nandroba an'Andriamanitra izy ny amin'ny

fanompoana nangatahiny taminy, ary **nandroba ny mpiara-belona taminy izy ny amin'ny fitarihan-dalana ara-panahy sy ny ohatra masina tsy nasehony** » H.F p 252<sup>2</sup>

**INONA NO ITOVIZAN'NY FIANGOANANA ADVANTISTA SY NY ZANAK'ISRAELY ?:**

“Ianareo dia **manaraka ny lalana izay mitovy amin'ny lalana narahana'ny zanak'Israely** tranainy, ianareo dia **mivily lalana miala amin'ny lalana masina niantsoan'Andriamanitra anareo . amin'ny maha-vahoakan'Andriamanitra anareo, mitovy amin'ny fiadinan'ny zanak'Israely** tranainy niala tamin'ilay fiantsoana masina izay niantsoan'Andriamanitra azy ireo » *Testimonies for the Church* vol 5 p 72, p 75, 76

a) Samy mihambo ho manankarena na ny Fariseo mpitondra fivavahana na ny Fiangonan'ny Laodikia

“ **Ireo mpitondra fiangonana tamin'ny andron'i Kristy dia nihevi-tena ho manan-karena am-panahy**...Andriamanitra ô! Misaotra anao aho fa tsy mba tahaka ny olona sasany, sns... Natolotr'i Kristy koa an'ireo nihevitra ny tenany ho mana-karena sy efa nihary fananana be ny kapoaky ny fitahiana; kanefa nianjonany fotsiny io fanomezan-tsoa io, fa **tsy mila na inona na inona intsony hono izy. (Apok 3:17)**” Sambatra p 14<sup>2</sup>- p 15<sup>3</sup>

“ **Ilay Fariseo dia tsy nahatsapa ny fahotany.** Tsy afaka niasa tao aminy ny Fanahy Masina. Ny fanahiny dia voahidy tao amin'ny akanjo fiarovan'ny fanamarinan-tena izay tsy voagorobaky ny zanatsipikan'Andriamanitra, na dia noranitin'ny tanan'ny anjely sy voakendry tsara aza... **Hoy ny Tompo: Fa hoy hianao: Manan-karena sy efa nihary fananana be aho ka tsy manan-java-mahory; kanjo tsy fantatrao fa hianao no ilay ory sy mahantra sy malahelo sy jamba ary mitanjaka;** dia manoro hevitra anao Aho hividy amiko volamena voadio tamin'ny afo, mba hanan-karena hianao, ary fitafiana fotsy hotafianao, mba tsy hisehoan'ny henatrao noho ny fitanjahana, ary odi-maso hahosotrao ny masonao mba hahiratanao” **Henoinareo ny fanoharana p 131<sup>3</sup>- 132<sup>1</sup>**

b) Samy fanasina tonga matsatso na ny Fariseo na i Laodikia

“ **Inty no tena loza** iray nambaran'i Kristy: **Fa raha ny fanasina no tonga matsatso,** inona indray no hahasira azy? Tsy misy heriny hanaovana na inona na inona intsony izy, fa hariana any ivelany ka hohitsahin'ny olona...**Nanondro indrindra ny toetry ny Fariseo sy ny fombam-pivavahany** tamin'ny vahoaka izany ohatra izany, **ary mampiseho koa ny toe-piainan'ny fanahy efa nilaozan'ny herim-pahasoavan'Andriamanitra,** izay manjary mpino antaravelona...**Ny amin'ireny no nitenenan'i Kristy hoe “Aleo ho mangatsiaka na ho mafana hianao. Fa satria matimaty hianao, ka tsy mafana na mangatsiaka dia efa haloan'ny vavako hianao”(Apok 3:15-16)”** Sambatra p 37<sup>4</sup>-38<sup>1</sup>

**INONA IREO HAFATRA FANAIRANA NOMEN'ANDRIAMANITRA NY FIANGONANA ADVANTISTA?**

1) « Manomboka teo amin'ny taona 1875 (*Testimonies for the church, vol 3, p 474*), Andriamanitra dia efa nanomboka niantso tao amin'ny Fiangonana Advantsita Mitandrana ny Andro faha Fito mba hisian' ny

fanavaozana ao antiny ao. Tamin'ny taona 1904, ireo antso ireo dia nihamafy : « Raha toa ka tsy misy ny fanavaozana sahy ary tsy misalasala eo amin' ny vahoakan'Andriamanitra, **Andriamanitra dia hampiodina ny tavany ka tsy hijery an' io vahoaka io... »**

2) “Eo amin'ny toeran'ny laodikianina no misy ny fiangonana, **tsy eo anivon'izy ireo ny fanatrehan'andriamanitra**” Last Day Event P 49<sup>2</sup>

3) “Ho an'ireo olona izay tsy rototra sy tsy taitra, dia izao no tenin'i Kristy amin'ireny olona ireny: **“Satria matimaty ianao, ka tsy mangatsiaka na mafana dia haloan'ny vavako”**Apok 3:16. Ity sary aman'ohatra farany ity dia **midika fa tsy afaka intsony i Kristy ny hanolotra vavaka amin'Andriamanitra na ny fanompoam-pitiavana ataonao Aminy. Tsy ekeny intsony ny fampianaranao ny teniny, na ny asanao ara-panahy. Tsy azony atao ny maneho ny asa fanompoanao ara-panahy eo anatrehan'Andriamanitra mba hanomezana ny fahasoavana ho anao**” Témoignage pour l'Eglise vol3 p13<sup>4</sup>

4) “ Fahazavana mitombo no manazava ny vahoakan'Andriamanitra; nefa **marobe ireo manao tsirambina ny hanaiky ny fahazavana ka dia latsaka ao amin'ny fahalemena ara-panahy goavana izy ireo.** Tsy noho ny tsy fahalalana no mahatonga ny vahoakan'Andriamanitra **mizotra ho amin'ny fahaverezana. Tandindomin'ny fanamelohana izy,** tsy noho ny tsy fahalalana ny lalana sy fahamarinana ary fiainana tsy akory. Fa **ny anamelohana azy dia ny fanaovany antsirambina na ny fandavany ny fahamarinana izay voaseho tao amin'ny sainy, ary ny fahazavana izay nanazava ny fanahiny**” Histoire de la Redemption p 1347

5) “**Ny vanim-potoana misy antsika, dia vanim-potoanan'ny haizina ara-panahy ho an'ny Fiangonana ankapobeny mihitsy.** Ny Fiangonana izay mitonon-tena ho Kristianina dia **lavitry ny hahaoa fo izao tontolo izao; satria izy tenany ihany dia mbola miroboka ao amin'ny fahasimbana sy fahalovana noho ny fitiavan-tena sy ny avonavona**” Histoire de la redemption p 1354

**6) Eo amin'ny toeran'ny Kora, Datana sy Abirama ny vahoaka Advantista:**

Hoy i Ellen White izay efa saika kivy tanteraka tamin'ny Fiangonana: “Rehefa nikasa handao an'i Minneapolis aho, dia nitsangana teo anilako ny Anjelin'ny Tompo ka niteny hoe: Aza manao izany fa manana asa ho anao eto amin'ity toerana ity Andriamanitra. **Manao asa fikomiana tahaka an'i Kora sy Datana ary Abirama ny vahoaka.** Mametraka anao amin'ny toeranao Aho, ary tsy ho fantatr'ireo tsy ao anatin'ny heriko sy ny fahasoavako. **Tsy hianao no ambaniany fa ny Tenin'ny Tompo.** Efa nohajambain'i Satana ny mason'izy ireo ary nakorontany ny fahafahany mitsara zavatra; ary raha toa tsy mibebaka amin'ny fahotany ny tsirairay avy, ny amin'io fahavitan-tena tsy masina izay manambany ny Fanahin'ny Tompo io, dia hizotra anatin'ny haizina izy ireo. **Hafindrako hiala amin'ny toerany ity ny fanaovan-jiron'izy ireo raha toa ka tsy mibebaka sy miova izy ireo,** mba hanasitrana azy ireo” Ibid Vol 3 p 191

“ Mipetraka matetika ny fanontaniana hoe: **Nahoana no dia tena mangatsiaka be toy izao ny fiangonana?** Tsotra ny valiny: **Satria nihodina niala tamin’ny tenin’Andriamanitra isika**” Témoignage pour l’Eglise Vol3 p48<sup>2</sup>

#### **NORARAHIAN’NY VAHOAKA ADVANTISTA VE NY HAFATRA FANAIRANA?**

“Amin’ny fahamarinana manao ahoana no ilazan’ireo teny ireo ny tena toetry ny fiangonana amin’izao fotoana izao: Tsy fantatrao fa hianao no ilay ory sy mahantra sy malahelo sy jamba ary mitanjaka. Hafatra fanairana, notononin’ny Fanahy Masina no efa nentin’ireo mpanompon’Andriamanitra, fahalesoan’ny toetra amam-panahy no efa naseho teo anoloan’ny mania; nefa hoy izy ireo; **“Tsy momba ahy izany. Tsy ekeko ny hafatra entinao. Efa manao izay tsara indrindra azoko atao aho. Mino ny fahamarinana aho”** Testimonies for the Church vol 5 p101<sup>4</sup>

« Ny fiangonana dia efa nandray fanairana sesilany. Ny adidy sy ny loza ho an’ny vahoakan’Andriamanitra dia efa naseho mazava tsara. Nefa **ny fiainan’izao tontolo izao dia nahery loatra tao amin’izy ireo. Ny fomba mahazatra, ny fomba fiaina, ny lamaody, izay mitarika ny fanahy hiala amin’Andriamanitra, dia efa nahazo laka nandritra ny taona maro, ka manazimbazimba ny fanairana** sy ny fitalahoan’ny Fanahy Masina ; **mandra-pahatongan’ny lalany ho toa marina eo imasony** amin’ny farany, ary ny **feon’ny Fanahy dia saiky tsy re intsony** » Testimonies for the Church vol 5 p103<sup>3</sup>

#### **INONA NO TENA HEVITRA NANKAMAMIAN’NY VAHOAKA JIOSY ? IZAY MITOVY TSY MISY VALAKA AMIN’NY FIHEVERAN’NY VAHOAKA ADVANTISTA AMIN’IZAO FOTOANA IZAO ?**

« Ny vahoaka Jiosy dia nankamamy ny hevitra milaza fa tian’ny lanitra manokana izy, ka tsy maintsy hasandratra mandrakariva ho **fiangonan’Andriamanitra**. Zanak’i Abrahama hono izy ireo, ary miorina eo amin’ny fototra mafy indrindra ny fanambinany, hany ka mihaika ny tany sy ny lanitra izy ireo raha misy sahy hanala aminy izany zony izany. **Nefa tamin’ny fiainany feno tsy fahatokiana, dia niomana handray ny fanamelohan’ny lanitra sy ny fisarahany tamin’Andriamanitra izy ;** » Henoinareo ny Fanoharana p 255<sup>3</sup>

#### **AHOANA KOA NY FIHEVERAN’NY FIANGONANA ADVANTISTA NY TENANY ? :**

« Fahotana lehibe maro izay nateraky ny avonavona no tafiditra ao amin’ny laharantsika. Kanefa ny **fihevitra izay manjaka** dia ny hoe : **ny Fiangonana dia manana fandrosoana izay anjakan’ny fiadanana sy ny fanambinana ara-panahy, ny Fiangonana dia niodina niala tamin’ilay Filohany dia i Kristy izany** » Service Chrétien pp 48-49

**REHEFA TSY NAHATANTERAKA NY FIKASAN'ANDRIAMANITRA NY FIRENENA JIOSY, INONA NO NITRANGA ?**

« **Tsy nahatanteraka ny fikasan'Andriamanitra ny Jiosy** amin'ny maha-firenena azy, ka **nalana taminy ny tanimboaloboka**. Ny tombon-tsoa notobatabainy foana, ny **asa nataony an-tsirambina** dia **nankinina indray tamin'ny hafa** » H.F p 256<sup>4</sup>

**TANTERAKA VE NY ASA NIRIN'NY TOMPO HOTONTOSAINA TAO AMIN'NY FIANGONANA ADVANTISTA ?**

« **Tsy tanteraka ny asa irin'ny Tompo** hotontosaina hametrahana lamina ao amin'ny Fiangonana satria **tsy tian'ny mambra ny anarina, indrindra indrindra fa ny mpitarika** » Messages Choisis Vol1 p52<sup>4</sup>-53

**HANAO AHOANA IHANY KOA NY FIANGONANA ADVANTISTA IZAY NOTOLORAN'ANDRIAMANITRA NY FAHAZAVANA NEFA TSY NANDEHA ARAKA IZANY ? :**

1) « **Raha misy Fiangonana hita fa tsy mahatoky amin'ny tenin'ny tompo**, na toy inona na toy inona toerana misy azy, na manao ahoana na manao ahoana fahamasinan'ny fiantsona azy dia **tsy ho afaka hiasa miaraka amin'izy ireo intsony Andriamanitra** » Any am-parany any p 54

2) « Rehefa nandà an'i Kristy, Ilay Andrian'ny Fiainana ny vahoaka Jiosy, dia **nesorina tamin'izy ireo ny fanjakan'Andriamanitra**, ka nomena ny jentilisa. **ho toy izany hatrany no ho fomba fiasan'Andriamanitra** amin'ireo sampan'asa rehetra » Any am-parany any p 54

**NY FIRENENA ISRAELY IHANY VE NO IANTEFAN'NY FANDAVAN'ANDRIAMANITRA REHEFA TSY NAHATANTERAKA NY FIKASANY TAMIN'IZY IREO ANDRIAMANITRA ?**

« Hoy ny Tompo : « Tsy hovaliako va izy amin'izany ? **Satria tsy nahomby ny Zanak'Israely** teo amin'ny fanatanterahana ny fikasan'Andriamanitra dia **nolavina izy**, ary nitatra ho any amin'ny vahoaka hafa ny antson'Andriamanitra. **Raha hita fa tsy mahatoky koa ireo, moa ve tsy hariany amin'ny fomba toy izany koa ?** » H.F p264<sup>3</sup>

==> Ry Fiangonana Advantista, diniho tsara io teny eo ambony io izay milaza fa rehefa tsy mahatoky koa ny Fiangonana, MOA VE TSY HARIANY AMIN'NY FOMBA TOY IZANY KOA ?

**INONA NO HAFATRA LEHIBE HO AN'NY FIANGONANA ADVANTISTA SY NY MPITONDRA AO AMINY ,**

a) « **Ny tenin'Andriamanitra ho an'ny Israely fahizay** dia misy **fananarana miezinezina ho an'ny fiangonana sy ny mpitondra azy ankehitriny**. Hoy ny

Tompo momba ny Israely : « Na dia soratako ho azy ny teny betsaka amin'ny lalàko aza, dia ataony ho toy ny zavatra tsy izy izany » Ary hoy Izy tamin'ny mpisorona sy ny mpanora-dalàna : « **Ringana ny oloko noho ny tsi-fisian'ny fahalalana**, satria hianao efa nandà ny fahalalana, dia mba holaviko kosa... Ary efa **nanadino ny lalàn'Andriamanitra hianao, ka dia hohadinoiko kosa ny zanakao** » H.F p266<sup>4</sup>

**MISY ANDRAIKITRA MANOKANA AVY AMIN'NY MPITONDRA FIVAVAHANA VE NO NAHATONGA NY ISRAELY NOLAVIN'ANDRIAMANITRA ?**

« **Tompon'andraikitra izy ireo tamin'ny fandavana an'i Kristy sy ny amin'ny vokatr'izany. Fahotana ho an'ny firenena sy fandranganana ny firenena no noraisina tamin'ny mpitondra fivavahana** » Henoinareo ny Fanoharana p265<sup>2</sup>

**RY PASTORA ADVANTISTA ! HOY NY HAFATRA AVY AMIN'ANDRIAMANITRA :**

« **Moa ve hitsipaka ny Tenin'Andriamanitra tahaka ny nitsipahan'ny mpitarika Jiosy an'i Kristy izy ireo ? Eo anoloantsika ny vokatry ny fahotan'ny Israely.** Moa ve ny Fiangonana ankehitriny hanaiky ny fananarana ? H.F p 267<sup>1</sup>

**MITOVY AMIN'NY FAHADISOAN'NY MPITARIKA TEO AMIN'NY ISRAELY VE FAHADISOAN'NY MPANOTA TSOTRA ?**

« Ny fahadisoan'ireo mpitarika teo amin'Israely dia **tsy nitovy tamin'ny fahadisoan'ny mpanota tsotra.** Ireo olona ireo dia nijoro teo anoloan'ny **adidy miezinezina** indrindra tamin'Andriamanitra. **Efa nanao fanekena izy ireo fa hampianatra ny hoe : « Iza no lazain'i Jehovah »** ary hankato marina an'izany eo amin'ny fiainany andavanandro... **Nefa ny mpisorona sy ny mpampianatra dia tsy nanatanteraka ny asany teo amin'ny adidiny masina** toy ny fitantanana ny fananan'Andriamanitra manokana. **Nandroba Azy ankitsirano izy ireo ny amin'ny vola sy ny fanampiana hafa nankinina taminy ho fampandrosoana ny asan'Andriamanitra...** » H.F p 253<sup>2</sup>-253<sup>3</sup>

**Hafatra ho an'ny Pastora :**

« **Hitako fa tsy afa-niala tamin'ny fahatezeran'Andriamanitra ny Pastora, fa tsy maintsy nizaka fampijaliana im-polo heny noho ireo olona izay nofitahiny izy** » Premiers Ecrits p 282

**INONA IREO FAHADISOANA LEHIBE ATAON'NY PASTORA ADVANTISTA ?**

Ny fahazavana avy tamin'Andriamanitra naseho tao amin'ny bokin'ny Fanahin'ny Faminaniana dia nilaza tamin'izy ireo ny amin'ny tsy maintsy ho modely amin'ny fanavaozana ara-pahasalamana indrindra ny tsy fihinanana hena, nefa tsy narahina

## INONA NO ANDRAIKITRA NAPETRAKY NY TOMPO AMIN'NY PASTORA ?

“Anisan’ny **andraikitra napetraky ny Tompo amin’ireo mpitondra fivavahana** ny **haneho amim-pahatokiana ny hafatra mikasika ny fanavaozana ara-pahasalamana** izay mifandray tanteraka amin’ny hafatry ny anjely fahatelo ny hafatra nomena hotoriany. **Tsy tokony handà ny fampiharana izany mihitsy ry zareo mba hanome ohatra ho an’ireo izay itoriany ny fahamarinana.**” *Testimonies 1 p. 469-470*

## INONA NO FAMPITANDREMANA HO AN'NY PASTORA ?

“**Ny mpitandrina** izay nomena fahefana hitory ny Filazantsara mandrakizay ve dia ho **sahy haneho ohatra** tsy mendrika **amin’ny fanembonana ny lasopy henan’i Egypta?Azo saintsainina ve raha ireo olona izay tohanan’ny Fiangonana amin’ny ampahafolony** avy ao amin’ny trano firaiketan’Andriamanitra no hisafidy an-tsitraro **handoto ny ra izay mivezivezy ao amin’ny lalandrany amin’ny fihinana toy izany, noho ny fitiavantena mamohatratra?** Dia hohamavoiny ve ny fahazavana sy ny fampitandremana izay natolotry ny Tompo azy ireo?” *Témoignages 3 p 428*

## MAHAZO MIHINANA HENA VE NY PASTORA ADVANTISTA?

« Aoka tsy hisy na dia iray aza mpitandrina **manome ohatra ratsy amin’ny fihinanana nofon-javatra !** Aoka kosa hivelona araka ny fahazavana momba ny fanavaozana ara-pahasalamana nomena azy izy ireo sy ny ankohonany ! » *Medical ministry p 281*

➔ **Nahoana ny Pastora Advantista na ireo mpitondra eo amin’ny Fiangonana no mbola mihinana hena ? nefa efa raran’Andriamanitra izany ?**

**Mety hiteny isika hanao hoe, ny Pastora sy ny mpitarika ve no manao hadisoana dia inona no hifandraisan’izany amin’ny mambra tsotra ?**

**TENA MISY TOKOA, TSAROVY FA NY NAHATONGA NY FIRENENA ISRAELY NOLAVIN’ANDRIAMANITRA DIA NOHO NY NATAON’IREO MPITARIKA ARA-PIVAVAHANA**

**NY FIRENENA JIOSY TENA SAMPANA, NY FIANGONANA TATY AORIANA NOTOLORANA NY FAHAZAVANA ANISAN’NY SAMPANA NATSOFOKA, INONA NO HAFATRA NAMPITAINA HO AN’NY FIANGONANA ANKEHITRINY AVY TAMIN’NY FANESORANA NY FANJAKAN’ANDRIAMANITRA TAMIN’NY ISRAELY ?**

« Fa raha **notapahana ny sampany** sasany, ary **hianao izay tahaka ny hazo oliva maniry ho azy** kosa no **natsofoka teo aminy** ka mba niombona ny fakan’ny menaky ny hazo oliva, dia aza mirehareha... **Ny tsi-finoany no nanapahana azy, ary ny finoanao kosa no itoeranao.** Aza miavonavona, fa matahora ; fa **raha ny tena sampana aza tsy navelan’Andriamanitra dia tsy havelany koa hianao** » H.F p 267<sup>2</sup>



➔ Raha ny tena sampany aza (FIRENEN'NY ISRAELY) notapahana, koa nahoana ny Fiangonana Advantista izay sampana natsofoka no hirehareha fa tsy hiaran'izany ? AZA MIAVONAVONA FA MATAHORA hoy ny voalaza etsy ambony

« **Raha mba fantatr'ireo sasantsasany milaza azy ho mino ny fahamarinana ankehitriny mantsy ny tena toerana misy azy, dia ho namoifo mihitsy izy** ny amin'ny famindrampon'Andriamanitra » 5T p103<sup>2</sup>

NAHAZO FAHITANA ELLEN WHITE FA ALOHAN'NY HIROTSAHAN'NY LOZA DIA BE DIA BE NO AO ANATIN'NY ADVANTISTA ANARANA FOTSINY NO HIVOAKA AVY AO REHEFA NANDRE NY FAHAMARINANA

« **Nahita aho fa Andriamanitra dia manana zanaka maro mahatoky eny amin'ireo izay mitondra ny anarana ADVANTISTA** ireny, ary koa eny amin'ireo fiangonana lavo. Noho izany, ALOHAN'NY HANDROTSAHANA AN'IREO LOZA, dia HISY PASTORA MARO SY LAIKA MARO no **voantso hivoaka hiala amin'ireny fiangonana ireny, ary HANAIKY NY FAHAMARINANA amim-pifaliana...** Satana ihany koa anefa dia manantena ny HAMITAKA an'ireo fanahy mahitsy fo, ary koa manantena ny ho afaka hampino azy ireo fa ANDRIAMANITRA DIA MBOLA MIASA AO ANATIN'NY FIANGONANA » Premiers Ecrits p 261

**RY RAHALAHY SY RANABAVY MALALA**

**DIENY TSY MBOLA MIKATONA NY VARAVARAM-PAHASOAVANA**

Diniho fa efa tsy eo amin'ny Fiangonana Advantista Mitandrana ny Andro Fahafito intsony ilay Fanevan'ny Fahamarinana, efa nafindran'Andriamanitra izany, ary tsy maintsy ho izay mitondra ny fahamarinana rehetra teo amin'ny fototra nijoroantsika teo ampiandohana no notoloran'Andriamanitra izany ary io NO TENA ADVANTISTA MITANDRINA NY ANDRO FAHAFITO, koa ny teny fikasana rehetra toy ny hoe: “na dia osa sy malemy aza ny fiangonana dia eo aminy irery no ifantohan'ny mason'Andriamanitra ety an-tany, tahaka ireo teny fikasana maro natao tamin'ny firenena Israely nefa lasa nifindra any amin'ny Israely ara-panahy dia toy izany koa ireo teny fikasana maro ho an'ny Fiangonana Advantista (SDA).

Moa ve tsy mahalasa ny saintsika ny mahita ny fiangonana sempoetra ao anatin'ny fitadiavana toeram-boninahitra, ny famatoran'ny fitiavana lamaody, ny fangejan'ny filan'ny nofo toy ny fijangajangana, ny toepanahy anjakan'ny adilahy sns, nefa INDRISY FA TSY METY AFAKA AO ANANTIN'IZANY OLANA IZANY? Ary nahoana no tsy mety mahatsapa faharikorikona amin'ny fahotana ny mambra?

Moa ve tsy efa marobe ireo andro natokana nanaovana herinandro fiaraha-mivavaka, ny fifohazana 10 andro, ny andro nanaovana fifadian-kanina, sns! Nefa nanao ahoana ny Fiangonana?

Satria tsy eo amin'ny fiangonana Advantista intsony ny fanatrehan'Andriamanitra. Hoy ny Fanambarana avy ao amin'ny Fanahin'ny Faminaniana:

“EO AMIN'NY TOERAN'NY LAODIKIANINA NO MISY NY FIANGONANA, **TSY EO ANIVON'IZY IREO NY FANATREHAN'ANDRIAMANITRA**” Last Day Event P 49<sup>2</sup>

## AHATONGA FISARAHAM-BAZANA VE NY FANAMBARANA NY FAHAMARINANA?

“Tahaka ny tamin’ny andro teo aloha, dia mahatonga korontana sy fisaraham-bazana ny filazantsara. Izany no toetran’ny tenin’Andriamanitra, izany no anjarany. Tsy tonga hitondra fiadanana eto an-tany aho hoy Jesosy fa sabatra. Mahagaga sy mahatahotra ny hevitr’Andriamanitra. Mitandrema fandrao mihevitra ny hanakana ny fisaraham-bazana ianareo ka hanenjika ny teny masin’Andriamanitra.” Hery Mifanandrina p 161

## IZA MOA NO TENA ADVANTISTA?

“Tsy misy sombim-pahamarinana na dia iray aza mahazo manary ny heriny, dia ny fahamarinana izay mahatonga an’ireo **Advantista mitandrina ny andro fahafito ho tena izany marina tokoa**”. Témoignages pour l’Eglise vol 2 p 432-433

⇒ NY TENA ADVANTISTA DIA IZAY TSY MANARY NA DIA SOMBIM-PAHAMARINANA IRAY AZA FA MAMPIANATRA SY MAMPIHATRA IZANY EO ANIVON’NY FIANGONANA

⇒ « Ilay anjely dia niteny nanao hoe: « hafaizy ny zavatra rehetra ho an’ Andriamanitra. Ny izaho dia tsy maintsy maty. Ireo faniriana sy ireo fironana araka ny nofo avy ao amin’ ny fo izay mbola tsy teraka indray dia tsy maintsy hampileferina mba hanaiky ho fehezina. » Mandosira mankeo amin’ ny Baiboly izay natao tsirambina teo aloha; ireo teny avy amin’ ny tsindrimandrin’ Andriamanitra dia natao ho anareo; aza hamaivanina ireo teny ireo... Ny fahasinan’ ny fiainana dia tsy maintsy ilaina. » Testimonies for the Church, vol 1, P508

Enga anie tsy ho amintsika ny iantefan’ity teny ity: “*Satria efa niantso Aho, fa nandà ianareo; Efa naninjitra ny tanako Aho, fa tsy nisy nitandrina; Fa nolavinareo ny saina rehetra natolotro, Sady tsy nety nanaiky ny anatro ianareo; Izaho kosa hihomehy, raha tong any fandranganana anareo; Handatsa Aho, raha tonga ny mahatahotra anareo*” Ohab 1: 24-26

-----  
TSARA HO FANTATRA: Olona manana toetra toa an’i Enoka ireo 144000 havotana avy amin’ny tany.

“ Andriamanitra dia miantso antsika mba hanana firaisana aminy tahaka izany ihany koa. **Tahaka ny fahasinan-toetra izay nananan’i Enoka no tsy maintsy ho hita ihany koa eo amin’ireo izay havotana avy amin’ny tany teo amin’ny olona amin’ny fiverenan’ny Tompontsika fanindroany**” GW 54

**Ahoana no ahatongavana amin’izany?**

Manasa anao hifandray tsy tapaka amin’ny FIANGONANA ADVANTISTA MITANDRINA NY ANDRO FAHAFITO FIHETSEHAM-PANAVAOZANA. Izay manana fandaminana maneran-tany. Misy ny Foibe ny CONFERENCE GENERALE any ROANOKE ETATS-UNIS, ary fiangonana mahenika ny Firenena maherin’ny 150 maneran-tany, ary ao anatin’izany i Madagasikara.

	<p>Fiangonana Advantista Mitandrina ny Andro Fahafito “Fihetseham-panavaozana” Reform Movement <b>Mission Madagascar.</b> Lot T – 83 C Ankadindratombo Alasora ( akaikin’ny abattoir ) Tel 034 04 026 26 E-mail : hasnrv@yahoo.fr EVANJELISTRA Hasina RAHARINAIVO</p> <p>Siteweb : <a href="http://www.sdarm.org">www.sdarm.org</a></p>
---	---